

Inatsisissatut siunnersuummut oqaaseqaatit

**Oqaaseqaatit nalinginnaasut**

1. Inatsisissatut siunnersuutip tunuliaqutaa

Kalaallit Nunaanni inatsisit malillugit pinerlunnikkut aningaasarsiat iluanaarutillu malunnarunnaarsarnissaannut periarfissat, ajortumeerinianit atonerlunneqarsinnaanerinit, ajortumeerinianullu aningaasalersuinissat pinngitsoortinneqarnissaannut sakkussamik inatsisiliornissaq inatsisissatut siunnersuutip imaraa, aammalu pinerlunnikkut aningaasarsiat iluanaarutillu malunnarunnaarsarnissaannut periarfissat, ajortumeerinianit atonerlunneqarsinnaanerannut, ajortumeerinianullu aningaasalersuisinnaanernut Inatsisartut inatsisaat malillugu pitsaaliuinissaq siunnersuutip tunuliaqutigaa. Pinerlunnikkut aningaasarsiat malunnarunnaarsannginnissaannut, ajortumeerinianillu aningaasalersuinnginnissanut siunnersuutit taakku pingasut siunertaraat. Kalaallit Nunaanni pinerlunnikkut aningaasarsianik malunnarunnaarsannginnissanut inatsit malillugu Akileraartarnermut Oqartussat nakkutilliisussatut pisinnaatitaanngillat, inatsit taanna suliffeqarfinnik namminersorlutik oqartussanit pigineqanngitsunit aningaasatigut peqquserluuteqarsimasut pillugit suliniuteqarnerannut tunngassuteqarmat.

Ilaanngullugu UPA 2010-mi inatsisissatut siunnersuutit annertuut innersuussutigineqarput (UPA 2010/xx aamma UPA 2010/xx).

2. Inatsisissatut siunnersuutip imai

Inatsisissatut siunnersuummi siunertarineqarpoq inuit ataasiakkaat akitsuuteqarfiusumut tikinnerannut tassanngalu aallalernerannut akiliutitut atoriaannarnik tigumiaqarnersut Akileraartarnermut Aqutsisoqarfimmit nakkutigineqarsinnaalernerit ersarissumik tunngavissaqalissaaq. Siunnersuummittaaq ilanngunneqarpoq arsaarinnissinnaanermik aalajangersagaq, akiliutitut atoriaannarnik pinerlunnikkut pissarsianik imalt. pinerlunnermut atugassanik, inatsimmik unioqqutitsisimasinnaaneq aarleqqutigineqaraangat atorneqarsinnaasoq.

3. Aningaasatigut allaffissornikkullu pisortanut sunniutigisinnaasai

Inatsisissatut siunnersuutip ilusilerneqarnera tunngavigalugu oqartussanut sunniuteqangaarnaviangilaq.

4. Aningaasatigut allaffissornikkullu inuussutissarsiutilinnut sunniutigisinnaasai

Inuussutissarsiutilinnut aningaasatigut allaffissornikkullu sunniuteqassanngilaq.

5. Avatangiisinut pinngortitamullu sunniutigisinnaasai

Avatangiisinut pinngortitamullu sunniuteqassanngilaq.

6. Innuttaasunut allaffissornikkut sunniutigisinnaasai

Ilimagineqanngilaq innuttaasunut allaffissornikkut siunnersuut sunniuteqassasoq.

7. Naalagaaffeqatigiinnermut namminersormullu sunniutigisinnaasai.

Inatsisissatut siunnersuut naalagaaffeqatigiinnermut attuumassuteqarpoq, EU-p maleruaqqusaliaanut tunngassuteqarmat, pinerlunnikkullu aningaasanik malunnarunnaarsaanermut akiuiniarnermut inatsit naalagaaffeqatigiinnerup isumagisassarimmagu.

8. Oqartussanik kattuffinnillu tusarniaaneq

Siunnersuut ukunani tusarniaassutigineqarpoq:

Inuussutissarsiornermut Suliffeqarnermullu Naalakkersuisoqarfik

Aalisarnermut, Piniarnermut Nunalerinermullu Naalakkersuisoqarfik

Ineqarnermut, Attaveqarnermut, Angallannermullu Naalakkersuisoqarfik

Nunamut namminermut, Pinngortitamut Avatangiisinullu Naalakkersuisoqarfik

GrønlandsBANKEN

Sparbank

Kalaallit Nunaanni Politimesteri

Grønlands Arbejdsgiverforening

SIK

NUSUKA

SIK

KANUKOKA

Tusarniaanermut uku akissuteqarput:

Grønlands Arbejdsgiverforening, Ineqarnermut, Attaveqarnermut Angallanermullu Naalackersuisoqarfik, KANUKOKA kommunillu, Ukonomi og Erhvervsministeriet aamma Finanstilsynet.

Tusarniaavigineqartut arlaannaalluunniit siunnersuummut oqaaseqaateqanngillat.

Siunnersuut aamma Inatsisilerinermut allaffimmut Inatsisartullu inatsisilerinermut allaffiannut tusarniaassutigineqarpoq. Taakkuttaaq oqaaseqaateqanngillat.

### **Inatsisissatut siunnersuummut oqaaseqaatinut ataasiakkaanut aalajangersakkat**

#### *§ 1-imut*

Nr. 1-imut.

§ 30-imi nutaatut imm. 4 siunnersuutigineqarpoq. Imm. nutaami 4-mi erseqqissaatigineqarpoq nakkutilliinermut oqartussat, akiliutitut atoriaannarnik misissuisinnaatitaanermut aamma periarfissaqartitaalernerat.

Akiliutitut atoriaannaat tassaapput aningaasat (aningaasat pappiaqqat aningaasallu aggorsimasut akiliutigineqarsinnaasutut kaaviiartinneqartut), pappiaqqat nalillit tuneriaannaat, tassunga ilanngullugit pappiaqqat akiliutaasinnaasut, soorlu rejsecheckit, kaaviiartitsinermut pappiaqqat (tassunga ilanngullugit checkit, akiitsunut allakkat aningaasallu allagartaat), tuneriaannarnik tigumialik, atsiornikut killeqanngitsumik atorneqarsinnaasut, tiguisissamut piviusuunngitsumut tunniussinikkut allatulluunniit pisassarisat tunniunneqarnerani, akiliissutissatullu naammassineqanngitsutut ilusilikkat (tassunga ilanngullugit checkit, akiitsunut allakkat aningaasallu allagartaat), atsiornikut tiguisissalli aqqanik allaffigineqarsimanngitsut.

Nr. 2-mut.

Aalajangersagaq pisinnaatitsissutaavoq taamaasillunilu akileraaruseriffik akiliutitut atoriaannarnik arsaarinninnissamut inatsisitigut pisinnaatitaallissalluni. Tassani piumasagaataavoq akiliutitut atoriaannaat pinerlunermut inatsimmut unioqquitsinikkut pissarsiarineqarsimanissaat imalt. atorneqarnissaat

aarleqqutigineqarpat. Aalajangersagaq politiit qanimut suleqatigilluinnarlugit ingerlanneqartassaaq pinerlunnermullu inatsit unioqqutinneqarsimappat taakku unnerluussisussaataapput. Arsaarinnittoqarsimatillugu tassenittaag eqqartuussisarneq pillugu inatsit toqqammavigalugu suliaq ingerlanneqassaaq.

Tamatuma kingunerissavaa, eqqartuussisarnermi inatsimmi § 422, imm. 4 naapertorlugu, arsaarinninnissamut aalajangerneq eqqartuussivimmit aalajangerneqartussaammat, eqqartuussiviup aalajangernissaata utaqqineqarnera pissutigalugu arsaarinninniarnaq maangaannassanngippat eqqartuussiviup aalajangernissaa utaqqeqaarnagu arsaarinnittoqarsinnaavoq.

Eqqartuussivimmit aalajangernerup pissarsiariniartarnera, inuup tikinneranut aallalerneranullu piffissamit atorneqartartumit nalinginnaasumik sivilunerujussuaq atorneqartarpoq.

Taamaattumik eqqartuussiviup aalajangernissaata siumoortumik piniarneqarsinnaasannginnera pissutigalugu, eqqartuussiviullu aalajangernissaa utaqqineqassappat, inuup angalasup akiliutitut atoriaannaat peernissaanut periarfissaqarluassammat, taamatut suleriaaseq nalinginnaasumik ileqqorineqanngilaq.

Taamatut pisoqartillugu, tassa inuup pineqartup (arsarneqartup), eqqartuussisarneq pillugu inatsisip § 422, imm. 3 tunngavigalugu piumasaaqateqarpat, eqqartuussivimmut aatsaat saqqummiunneqassaaq.

Akileraartarnermut Oqartussat aamma arsaarinnissinnaapput, inuk pineqartoq, eqqartuussisarneq pillugu inatsimmi § 422, imm. 7 naapertorlugu atsiorluni arsaarneqarnissaminut akuersippat.

Akileraartarnermut Oqartussat akiliutitut atoriaannaat, maleruagassat taakku malillugit arsaarinnissuteqarunik, suliassaq ingerlaannartumik politiinut, pinerluttoqarsimaneranik paasiniagassanngorlugu aalajangiiffigisassanngorlugulu suliassanngortissavaat.

Arsaarinninneq tunngavissaqanngitsoq paasinarsissagalarpat, pisortat taarseeqqussisuteqarfigineqarsinnaapput, eqqartuussisarneq pillugu inatsisip §§ 487 aamma 488 -mi najoqqutassat tunngavigalugit.

Nioqqutissanik eqqussuinermi akitsuutit pillugit Inatsisartut inatsisaanni allannguutissatut siunnersuutigineqartut tunngavigalugit, pinerlunnikkut malunnarunnaarsaasarnernut, akileraaruseriffik akitsuuserinikkut pineqartunut suliaqarnissaminut inatsisitigut tunngavissinneqarpoq.

Nr. 3-mut

Aalajangersagaq Namminersorluni Oqartussaannerup atuutilersinneqarnerata malitsigaa.

§ 2- *mut*

Inatsisartut inatsisaat, 1. juni 2010-mi atortuulersinneqassasoq  
siunnersuutigineqarpoq.